

重修安澤縣志

七冊

卷十三 形勝

卷十四 祥異

卷十五 藝文上

重修安澤縣志

卷十之三

形勝志

古蹟

八景附

墳墓

寺觀

形勝者邑之要領也安澤西枕霍峯東襟沁水綿山峙立於北河汾縈繞其南周圍八百餘里稱巖疆焉迄今過饁耕之田流風宛在溯完璧之事餘威猶存一壑一丘一泉一石皆足動人流連也志形勝

古蹟

山川不改人物迭更倏忽之間已爲陳迹此今昔所同慨也夫名流代謝年遠事湮而嗜奇好古之士猶將搜剔殘碑披莽榛而憑弔流連往事撫金石以摩挲矧遺蹟名區班班可考乎流風餘韻千載常新勿謂前不見古人也

唐堯城東八十里世傳堯築城於此今名唐城

合陽故縣北魏志建義元年置有合陽城隋省入冀氏今爲村穀遠故縣漢志上黨郡有穀遠縣

冀氏故縣東南一百三十里北魏建義元年割禽昌襄陵置冀氏縣有冀氏城舊唐志本漢猗氏縣地後於古猗氏城南置

冀氏縣元省入岳陽今名冀氏里

安澤故縣北魏志建義元年置隸義寧郡隋大業初改名岳陽縣民國紀元復舊名爲安澤縣

和川故縣東九十里魏義寧縣隋改和川後廢唐復置屬沁州宋屬晉州元省今名和川里

冀缺故里即今冀氏村

藺相如故里即今寶豐村

岳陽樓縣治前東偏

千畝原 括地志云千畝原在晉州岳陽縣北九十里文獻通考云隋爲千畝縣晉侯千畝之戰即此

郎寨塔東南二百餘里郎寨村之南其塔以乾甃砌成不着泥灰高約二丈許塔頂亂甃錯雜堆積而成雖經久不墜相傳魯班所建

凌雲洞在凌雲村外石巖下高僅容人寬不盈三尺望之皆而黑聽之颼颼有聲土人呼爲神仙洞相傳洞有一牛聞外牛至即出與鬪外牛莫能敵往往顛仆牧人逐之則返入洞中以故牧牛者莫敢至其處有一新牧童誤至焉洞牛出羣有紅犍力與抵觸牛返走紅犍逐之童恐失牛掣尾相從人牛俱入洞中村人偵知操兵燃炬以迹之入洞約行二三里聞水聲洶湧燭以炬則大水南流不見其岸上橫木板闊僅尺

許而朽腐已久板端童履牛跡存焉以足踏板顛顛若絙空之繩無敢登者遂返以石壘其口至今猶存

五馬洞亦名神仙洞在村之南溝相傳洞出一人用金箠銀擔驅五馬向村邊汲水村人見而逐之人馬俱入洞中洞忽湧出一石滿填其口不復出焉洞在巖之半石兩旁有仄隙風如潮湧石面鐫此乃石核也五字人言不知有無然村之命名以此則非無因矣

蘇家寨邑東南七十里蘇家庄之對山頂山險陡無路攀蘿捫藤始得陟其顛相傳蓋蘇文屯兵於此今遺址猶存

寨圯塔在縣東一百里府城鎮東山之麓面臨沁河咸豐三年

洪楊事起由南省延蔓至山西路經府城鎮固兵此山營壘
猶存

唐王寨距唐城村六里山勢壁立蒼翠欲滴相傳爲唐王屯兵
處登其嶺廢垣斷壁瓦礫縱橫有古井一黝然不知所底山
下地勢平坦爲晾甲圪台其命名之義可思矣

文筆峯塔在縣城西南喬岳堡山頂雖欠華麗而用磚砌成雄
矗堅固可以經久不壞亦一邑風水攸關也

漢槐在本城鼓樓內公安局廳可十圍高十餘丈古幹高聳枝
葉繁盛濃蔭密布誠千餘年物也

唐槐在城內養佳衢柯葉茂密其老榦無枝者犖确槎杈怪

安澤縣志卷十三形勝

奇不可名狀樹老中空內有蜜蜂數斗亦千餘年物也

唐槐在縣東百五十里藍村蔭庇數畝礪何靡腫莫能名狀

古槐在縣東五十里永樂村官道旁相傳漢唐以來即有此槐
高數十丈盤根錯節根內抱石數塊形狀怪異外人經此地
者多攝影以去焉

古酸棗樹在縣南五十里店上村南原有酸棗樹一株高十丈
粗三圍枝葉繁茂開花結實相傳爲元時所有數百年物也
龍王泊縣南五十里上村河西周圍十餘文深數丈水勢汪洋
魚龍潛伏常出沒其中北岸有龍王廟每遇天旱多禱雨於
此其靈驗異常

淤泥河縣南七十里黃家圪梁西南一里許面積二十餘畝南面依山水草叢生滿地湧泉相傳爲蘇定方與羅成鏖戰處佛窰洞距圪堆村半里許相傳明時山崩塌露一塊青石中凹窰形內儲銅佛以千計金碧輝煌曆年旣久一切古佛盡散遺於各村中其窰之形勢堅固完整今尙存焉

宜遠樓金堆村之風景臺也明嘉靖八年建高六丈廣五十步雕樑畫棟金碧輝煌樓前有麗澤橋樓後有古槐一株高百尺粗十餘圍樓中有透靈碑一雕刻精緻摩之似玉映之如鏡光可鑑影洵罕見之靈石也

朝陽洞在邑之東南鄉丁村此洞每屆正月元旦晝則瑞彩

繽紛籠罩洞口夜則祥光燦爛冲射斗牛五月端午亦然至冬雨雪之時他處皆霜結冰凝獨此洞消融如常造物鍾毓之靈亦奇矣哉

青雲洞亦丁村古蹟也在東山頂佛廟內此洞每值降雨之期雲從洞出有此靈異此山川出雲之驗也光緒二十五年僧人昌錄募修之

邑之東鄉招賢村距城百餘里其村沁河岸上有石崖危峯高聳峭壁削立一夕村人聞山鳴如雷晨視之則石崖崩墜高約二丈許寬長約四丈餘一幅天然圖新鑲焉圖之內廟宇一所巍峨壯麗畫棟雕梁輪奐極美中有殿若者堂若者坊

若者樓臺若者歷歷在目可指數諸天佛像或坐或立眉目
朗列衣紋畢現不一狀又有顯者數起詣廟騶從烜赫儀仗
之中旌旆如雲幡幢如雨旂鑼雙雙織扇一一牌則對對羅
列戟則層層密布頂馬導前香車殿後而肩輿則巍巍然居
其中焉役夫人衆臧獲等輩其身法勢法步法無不全身俱
現丰姿綽約面目如生雖紛紜錯雜其形不一而神情態度
厥狀惟肖奇觀哉至若雕鏤之精工位置之得宜有非良工
巧匠所能及者造物誠巧矣哉此中華民國二年五月事也
金沙河縣東南百餘里孔灘有澗河一道河中純沙可以澄出
金屑土人亦間有在河內拾得生金塊者

熱留村北數十里許有地名銀岡溝產銀鑛前清末葉會議開採旋以工本浩大未果據云鑛苗如瓜蔓形故有西瓜鑛之稱云

八景附

樓閣風生 在城南里許大覺寺相傳有上下兩寺下寺中層樓傑閣高聳雲端巨觀也後圯於水上寺有亭襟山帶河岸柳汀花遙相映對遊客小憩儼如身在圖畫中雖其地密邇城闔而幾杵疏鐘一聲清磬坐談之下頓覺道心生焉邑令李丕先題其亭曰醒夢有以夫

按大覺寺地勢宏敞氣象巍峨內貯佛經十二櫃

遇天早時集學生就

日中翻
經輒雨

洋洋乎大觀也前清末葉寺僧隆慶不守清規冶遊
無度以致溜流星散全廟傾圯藏經亦散軼殆盡民國十年
改建第一高級小學校所謂樓閣風生者駸駸乎名實俱湮
矣

活水龍吟 在縣東二里屏風山延慶觀與邑城祇一澗隔山
石欽崎鳥道盤旋雖松栢無多而龍盤蚪屈莫可名狀廟內
古樅一株黛色參天時有幽禽翔集其上院東偏爲龍神祠
聖水出焉即於神龕下鑿洞漚池清冷潺湲其涼震齒雖嚴
冬不凝潛流出戶復爲池以蓄水勢方塘一鑑天光雲影蕩
漾其中因院爲渠曲折而南分注大魚池內即活水龍吟沼

也淳泓暢滋中產五色游魚大則盈尺小亦數寸錦鱗游泳
碧藻沈浮泉聲冷冷塵煩盡滌矣

雲外天現 在縣西九十里即帝頂也俗名老岳頂峯巔有廟
眞武祀焉霍麓諸峯本高於羣山而此峯尤高爲邑之來龍
圓峭特立勢壓諸山望之若與天接也登其麓者曉起看白
雲出絕壑下淨白如練奔騰如浪倏斷倏連倏雷倏雨蓋其
地極高故可俯視一切雲外天現之名洵不誣矣

松風水月 在縣東北十五里圓覺寺俗名四次山相傳唐懿
宗三子駐錫於此路由辛莊河東入峪口迤邐而北水淨沙
明花媚草秀行十里始達其地翠柏蒼松彌滿山谷怪石嵯

呀咄咄逼人濤聲四起羣山皆響山腰有泉鑿池覆以亭每當松際月來輒倒印焉岳之八景以此爲最同治二年寺燬邑人謀重修之遂刊伐山木以供庀材滿山蒼翠較前稍減焉

鳳巖仙洞 在帝頂北十餘里即露崖寺也峯巒削巉巖石下覆若鳳翼之高張雪雨不能及其下寺當崖陰遠望者但見崖而不見寺故號曰露崖也中有風洞泉流漬冰盛暑小解至冬則渙然消釋亦一奇也而今廢圯矣

沁灣塔影 在縣東北九十里北鄰和川鎮而南則石渠村也山多松柏蒼翠茂蔚與天無際沁水經流其下峯腰有寺創

安澤縣志卷十三形勝

自唐梵宇雖不宏敞而幽闢殊甚山之巔浮屠九級高插雲霄大定中麻衣禪師所建即寺名所由昉也每當日午塔影輒倒於石渠村之東南溪蓋相隔已十餘里矣

泉石雲流 在縣東百里與法晉村相近寺當山回峯巒屏蔽遠望者莫能見也山之陽有寺頭庄松櫟四五籬落兩三登其頂了無餘地幾令人作返旆想乃西行不數武而蒼松翠柏畫棟丹楹已近在指顧間鳥道迴環盤旋而下及巖腹則抵寺矣泉響潺湲雲嵐環拱梵宮寂靜誠婆婆淨土也

花鳥浴水 在董壁菴龍泉觀與圓覺寺僅隔一嶺因麓建廟廟之左右壁峭立有泉出其下曰龍泉洞峯雖不甚高峻而